



Polisi Anabledd

1. Cyflwyniad

Mae Grŵp Prifysgol De Cymru (PDC) wedi ymrwymo i egwyddorion cydraddoldeb ac amrywiaeth ac mae'n anelu at greu amgylchedd dysgu cynhwysol lle nad yw nodweddion personol unigolyn yn creu rhwystrau i gyfranogi. Mae'r Gwasanaeth Llesiant ac Anabledd fel rhan o Grŵp Prifysgol De Cymru (PDC) wedi ymrwymo i brif ffrydio cydraddoldeb ac amrywiaeth trwy gydol ei holl weithgareddau, yn ogystal â bodloni'r dyletswyddau deddfwriaethol cyffredinol a phenodol a osodir arno drwy Ddeddf Cydraddoldeb 2010. Mae'r datganiad polisi hwn felly yn adeiladu ar weledigaeth a blaenoriaethau strategol y Grŵp.

2. Diffiniad

Mae Deddf Cydraddoldeb 2010 yn diffinio anabledd fel nam corfforol neu feddyliol sydd ag effaith negyddol 'sylweddol' a 'thymor hir' ar allu unigolyn i gyflawni gweithgareddau dyddiol arferol.

Mae'r Polisi Anabledd yn ymwneud â phob categori anabledd a gynhwysir yng nghanllawiau anabledd UCAS, sef

- Anhawster Dysgu Penodol (Dyslecsia, Dyspracsia neu AD(H)D)
- Anhwylder Cymdeithasol / Cyfathrebu / Anhwylder Sbectrw m Awtistig
- Dall / nam difrifol ar y golwg
- Byddar / nam difrifol ar y clyw
- Salwch neu gyflwr iechyd hirdymor (e.e. Canser, HIV, Epilepsi)
- Cyflwr Iechyd Meddwl (e.e. Iselder, Anhwylder Pryder, Sgitsoffrenia)
- Defnyddiwr cadair olwyn / problemau symudedd
- Anabledd, nam neu gyflwr meddygol nas rhestrir uchod.

3. Partneriaethau

Mae Prifysgol De Cymru yn cydweithio â nifer o wahanol ddarparwyr addysg i ddarparu ystod o gyrsiau mewn amrywiaeth o leoliadau yn y DU a thramor. Mae gan y Brifysgol gytundebau partneriaeth ar waith gyda'i phartneriaid masnachfrait lle mae'r sefydliad partner yn cymryd cyfrifoldeb am ddarparu dysgu ac addysgu

cynhwysol, cymorth ac addasiadau rhesymol i fyfyrwyr anabl, fel rhan o'i gylch gwaith ehangach.

Anogir myfyrwyr anabl i ystyried datgelu i'w Coleg a chymryd rhan mewn deialog ystyrllon gyda staff priodol er mwyn nodi addasiadau a chymorth priodol.

4. Dethol Derbyniadau

Ystyrir pob cais i raglenni addysg uwch a addysgir y Brifysgol yn unol â Polisi Derbyn y Brifysgol.

Mae dewis ymgeiswyr addas yn seiliedig ar ystyried teilyngdod academaidd, talent a photensial. Rhaid i bob ymgeisydd fodloni'r isafswm gofynion mynediad fel y nodir yn y [Rheoliadau ar gyfer Cyrsiau a Addysgir](#). Ystyrir ceisiadau a dderbynnir gan ymgeiswyr anabl yn unol â'r polisi uchod a [Pholisi Cydraddoldeb ac Amrywiaeth](#) y Brifysgol.

Unwaith y caiff myfyriwr ei dderbyn i un o'n cyrsiau, bydd y Brifysgol yn ceisio sicrhau bod myfyrwyr anabl yn cael mynediad at yr adnoddau a'r cyfleusterau sydd eu hangen i gymryd rhan lawn ym mywyd prifysgol cyn belled ag y bo modd, yn gyfartal â chyfleoedd myfyrwyr nad ydynt yn anabl.

Fodd bynnag, mae'r Brifysgol yn cydnabod bod nodweddion safle ac ystyriaethau ariannol yn ei gwneud yn amhosibl datgan polisi y gellid bodloni gofynion unrhyw fyfyrwr, beth bynnag fo'i nam. Felly mae'n hanfodol bod ymgeiswyr a myfyrwyr yn cael arweiniad ar y cyfle cyntaf posibl, er mwyn eu galluogi i wneud penderfyniadau gwybodus mewn perthynas ag addasrwydd astudiaeth AU ym Mhrifysgol De Cymru.

5. Adnabod ac ymgysylltu cynnar

Mae'r Brifysgol yn cydnabod ei bod yn bwysig nodi gofynion penodol oherwydd anabledd neu anhawster dysgu penodol (e.e. dyslecsia), cyn gynted â phosibl, fel y gellir gwneud yr addasiadau rhesymol angenrheidiol yn brydlon.

Anogir ymgeiswyr / myfyrwyr anabl i ystyried datgelu i'r Brifysgol a chymryd rhan mewn deialog ystyrllon gyda staff priodol y Brifysgol er mwyn nodi addasiadau a chymorth priodol. Dilyniir datgeliadau anabledd gan y Gwasanaeth Anabledd, gyda chynnig cyfarfod gyda Chynghorydd Anabledd i drafod gofynion unigol, addasiadau rhesymol a chymorth.

Mae'r Brifysgol yn rhagweithiol wrth ddarparu cyfleoedd ar gyfer datgelu ac adnabod yn gynnar yn y ffyrdd canlynol:

- Mae darpar fyfyrwyr sy'n mynychu digwyddiadau marchnata'r Brifysgol (e.e. Diwrnodau Agored), yn cael gwybodaeth am y cymorth a'r gwasanaethau sydd ar gael.
- Wrth ymgeisio a chofrestru, mae myfyrwyr yn cael cyfleoedd i hunan-adnabod unrhyw anabledd, a allai fod yn berthnasol i'w hastudiaethau yn eu barn hwy.

- Mae'r Brifysgol yn cyhoeddi gwybodaeth a chanllawiau digidol cyfredol, sy'n annog datgeliad cynnar ac ymgysylltiad â gwasanaethau cymorth trwy ei gwefannau allanol a mewnol.
- Cynghorir myfyrwyr sy'n symud i'r ardal i gofrestru gyda Gwasanaeth Iechyd PDC a Meddygfa leol. Bydd myfyrwyr, sy'n datgelu anabledd ar eu cofrestrriad Gwasanaethau Iechyd PDC, yn cael cyngor ac arweiniad ar gymorth a gwasanaethau eraill (e.e. Gwasanaeth Anabledd) fel y bo'n briodol.
- Gwahoddir myfyrwyr, sy'n gwneud cais i / yn byw yn Neuaddau Preswyl y Brifysgol, i ddarparu gwybodaeth am anabledd neu unrhyw ofynion penodol eraill a rhoddir cyngor ac arweiniad iddynt ar gymorth a gwasanaethau eraill (e.e. Gwasanaeth Anabledd) fel y bo'n briodol.

6. Cymorth

Nid oes gan Brifysgol De Cymru gyfrifoldeb deddfwriaethol i ddiwallu anghenion cymorth, nad ydynt yn gysylltiedig â'r byd academaidd (e.e. gofal meddygol, gofal personol a gofynion byw â chymorth). Mae gofynion cymorth nad ydynt yn addysgol yn dod o fewn cylch gwaith y Gwasanaeth Iechyd Gwladol a'r Gwasanaethau Cymdeithasol.

Nod y Brifysgol yw sicrhau bod ei chyfleusterau ffisegol, cymdeithasol a hamdden yn hygyrch i fyfyrwyr anabl ar gyfer amgylchedd cynhwysol.

Bydd y Brifysgol yn ceisio sicrhau bod myfyrwyr, sydd wedi datgan anabledd ac wedi darparu tystiolaeth addas, yn gallu cael gafael ar gymorth priodol *sy'n gysylltiedig ag astudio* drwy gydol eu hastudiaeth yn y Brifysgol.

- Bydd Ymgynghorwyr Anabledd yn gweithio ochr yn ochr â myfyrwyr anabl, i nodi addasiadau a chymorth rhesymol priodol yn unigol. Bydd hyn yn arwain at greu Cynllun Cymorth Unigol, sy'n amlinellu'r addasiadau a'r cymorth rhesymol priodol.
- Ymdrinnir â gwybodaeth a ddatgelir i'r Gwasanaeth Anabledd fel gwybodaeth sensitif a chyfrinachol o fewn terfynau [Cod Cyfrinachedd Gwasanaethau Myfyrwyr](#).
- Yn unol â gofynion y [Rheoliad Diogelu Data Cyffredinol \(GDPR\)](#), a [pholisi diogelu data PDC](#), gofynnir i ymgeiswyr / myfyrwyr roi eu caniatâd ysgrifenedig i rannu gwybodaeth sensitif berthnasol gan y Gwasanaeth Llesiant ac Anabledd gyda staff perthnasol y Brifysgol a rhanddeiliaid allanol (h.y. Cyllid Myfyrwyr). Er nad yw cydsyniad yn orfodol, cynghorir myfyrwyr y gallai atal cydsyniad effeithio ar allu'r Brifysgol i ymateb yn briodol i'w hanghenion yn ymwneud ag anabledd.
- Gofynnir i fyfyrwyr ddarparu dogfennaeth gan ymarferydd â chymwysterau priodol sy'n amlinellu natur ac effaith eu hanableddau.
- Mae'r Gwasanaeth Anabledd yn cynnig sgrinio am ddim ar gyfer Anawsterau Dysgu Penodol a chefnogaeth i drefnu asesiad diagnostig ar y safle gydag asesydd â chymwysterau priodol. Mae'r Brifysgol yn cydnabod y baich ariannol anghymesur a roddir ar fyfyrwyr sydd angen asesiad ar gyfer Anawsterau

Dysgu Penodol ac yn ymdrechu i ddarparu cymorth gyda chostau asesu lle bo modd.

7. Lwfansau Myfyrwyr Anabl:

- Rhoddir cymorth i fyfyrwyr wneud cais am Lwfansau Myfyrwyr Anabl a mathau eraill o gymorth ariannol (fel sy'n briodol). Mae Cyllid Myfyrwyr Anabl yn gynllun ariannu gan y llywodraeth, a weinyddir gan Cyllid Myfyrwyr i fyfyrwyr Cartref sy'n astudio ar gwrs Addysg Uwch dynodedig o werth credyd digonol. Penderfynir ar gymhwyster ar gyfer Lwfansau Myfyrwyr Anabl gan Cyllid Myfyrwyr, yn unol â'u polisiau a'u rheoliadau.
- Fel rhan o'r cynllun hwn, bydd gofynion cymhwysedd a chymorth unigol myfyriwr yn cael eu hasesu'n annibynnol a bydd pecyn cymorth priodol yn cael ei argymhell a'i ddarparu.
- Er y gall y Brifysgol roi *cymorth* i lywio proses ymgeisio ac asesu Lwfansau Myfyrwyr Anabl, *mae'r broses ei hun* y tu allan i gylch gwaith y Brifysgol.
- Dylid cyfeirio cwynion sy'n ymwneud â phrosesu cais am Lwfansau Myfyrwyr Anabl, Cymhwyster ar gyfer y Cynllun neu faterion sy'n ymwneud â darparu nwyddau a gwasanaethau gan ddarparwyr annibynnol dan gontract Cyllid Myfyrwyr, at Cyllid Myfyrwyr yn uniongyrchol.

8. Rheoliadau a Pholisïau

Mae pob myfyriwr yn ddarostyngedig i reoliadau a pholisïau'r Brifysgol waeth beth fo'u Hanabledd. Mae polisiau, rheoliadau a gweithdrefnau'r Brifysgol wedi'u datblygu i sicrhau nad ydynt yn rhoi myfyrwyr anabl dan anfantais a bod cymorth priodol ar gael.

- [Rheoliadau Academaidd ar gyfer Cyrsiau a Addysgir](#)
- [Camymddwyn Academaidd](#)
- [Ffitrwydd I Ymarfer](#)
- [Ffitrwydd I Astudio](#)
- [Amgylchiadau Esgusodol](#)
- [Ymddygiad Myfyrwyr](#)
- [Cwynion Myfyrwyr](#)

Mae rhagor o wybodaeth a chyngor am reoliadau a pholisïau'r Brifysgol ar gael gan yr Uned Gwaith Achos Myfyrwyr o fewn Swyddfa Ysgrifennydd y Brifysgol.

9. Monitro ac Adrodd

Mae'r Brifysgol yn dynodi aelod o'r Gyfarwyddiaeth i fod â chyfrifoldeb penodol am ddarpariaethau anabledd.

Mae Strwythur y Pwyllgor Cydraddoldeb ac Amrywiaeth yn adrodd i'r Gyfarwyddiaeth ac mae'n gyfrifol am fonitro gweithrediad y Polisi.

Mae'r DQAC yn sicrhau bod Byrddau'r Cynllun yn ystyried ac yn adrodd ar eu darpariaeth ar gyfer myfyrwyr anabl fel rhan o'r broses monitro cyrsiau blynyddol.

Diwygiad Cronoleg				
Rhif Fersiwn	Dyddiad Effeithiol	Awdur diwygio	Rheswm dros y diwygiad	Cymeradwywyd gan
1.0		Amherthnasol	Rhifyn Cyntaf	
2.0	29.10.18	Sarah Page	Mân ddiwygiadau ynghylch: Enw Gwasanaeth	
3.0	08.07.19	Sarah Page		
3.1	17.01.20	Sarah Page	Mân ddiwygiadau	
3.2	01.02.22	Sarah Page	Mân ddiwygiadau	
3.3	24.05.22	Sarah Page	Mân ddiwygiadau	